

Բակլավրի կրթական ծրագրի առկա ուսուցման պայմանների վերաբերյալ

ք. Երևան

« » _____ 202

թ.

«Մաչատուր Աբովյանի անվան հայկական պետական մանկավարժական համալսարան» հիմնադրամ (այսուհետ՝ Համալսարան), ի դեմս համալսարանի ռեկտոր **Սրբուհի Ռաֆիկի Գևորգյանի**՝ մի կողմից, և Համալսարանի _____ ֆակուլտետի _____ մասնագիտության _____ կուրսի ուսանող (քաղաքացի) (այսուհետ՝ Ուսանող) _____, մյուս

անուն հայրանուն ազգանուն

կողմից, կնքեցին սույն պայմանագիրը հետևյալի մասին:

1. Պայմանագրի իրավական հիմքերը

1. Սույն պայմանագրի կնքման իրավական հիմքերն են՝ ՀՀ քաղաքացիական օրենսգրքը, «Կրթության մասին», «Բարձրագույն և հետբուհական մասնագիտական կրթության մասին», «Հիմնադրամների մասին» ՀՀ օրենքները, ՀՀ կառավարության որոշումները, «Մաչատուր Աբովյանի անվան հայկական պետական մանկավարժական համալսարան» հիմնադրամի կանոնադրությունը և ՀՀ այլ իրավական ակտեր:

2. Պայմանագրի առարկան

2.1. Սույն պայմանագրի առարկան Ուսանողի **առկա ուսուցման** ձևով բակլավրի կրթական ծրագրով ուսումնառությունն իրականացնելու ակադեմիական և ֆինանսական կարգն ու պայմաններն են (ստորև նշել «այո» կամ «ոչ»): (Ուսանողի կարգավիճակի հետագա փոփոխությունն ամրագրվում է ռեկտորի հրամանով, որի մասին սույն պայմանագրում կատարվում է համապատասխան լրացում):

Անվճար հիմունքներով

Վճարովի

Տարկետման իրավունքով

Շրջափոխման իրավունքով

հիմունքներով

2.2. Ուսանողի ուսումնառության նորմատիվ ժամկետը _____ տարի է:

3. Համալսարանի պարտավորությունները և իրավունքները

3.1. Համալսարանը պարտավորվում է.

3.1.1. Կազմակերպել Ուսանողի ուսուցումը՝ համաձայն Համալսարանի գիտական խորհրդի կողմից հաստատված ուսումնական պլանների և սահմանված կարգով հաստատված առարկայական ծրագրերի:

3.1.2. Իր ինքնավարության շրջանակներում կազմակերպել ուսումնական գործընթացը, այդ թվում՝ ուսանողների ատեստավորման ձևերը և կարգը՝ ըստ գործող ուսումնական պլանների:

3.1.3. Ուսանողի համար ստեղծել հնարավորություններ՝ օգտվելու Համալսարանի գրադարանից, մարզական և առողջարարական կառույցներից, մշակութային-լուսավորչական, սննդի և այլ սոցիալական ծառայություններից.

3.1.4. Բակլավրի կրթական ծրագրով ուսումնառությունը ավարտած և ամփոփիչ ատեստավորումն անցած Ուսանողին շնորհել բակլավրի որակավորում և տրամադրված փաստաթուղթ (բակլավրի դիպլոմ)՝ համապատասխան ներդիրով:

3.2. Համալսարանի ուսումնական պլաններով և ուսումնական գործընթացի ժամանակացույցով նախատեսված առաջադրանքները չկատարող, ակադեմիական անբավարար առաջադիմություն ցուցաբերող, սույն պայմանագրով նախատեսված կարգով և ժամկետում ուսման վարձը չմուծող, հասարակական կարգն ու կարգապահության կանոնները խախտող Ուսանողը կարող է ենթարկվել տույժերի՝ ընդհուպ մինչև Համալսարանից հեռացվելը:

3.3. Համալսարանը պարտավորվում է ուսանողին տրամադրել @aspu.am ենթադոմեյնի տակ գործող էլեկտրոնային փոստի հասցե, որը հնարավորություն կտա ուսումնառության ողջ ընթացքում օգտվելու Google for Education համակարգի անվճար ծառայություններից: Ուսուցման ավարտից հետո Համալսարանն իրեն իրավունք է վերապահում ուսանողից հետ կանչելու կամ դադարեցնելու @aspu.am ենթադոմեյնի տակ գործող էլեկտրոնային փոստը՝ պահպանելով անձնական տվյալների պաշտպանության մասին ՀՀ օրենքները:

4. Ուսանողի պարտականությունները և իրավունքները

4.1. Ուսանողի և Համալսարանի միջև հարաբերությունները կանոնակարգվում են Համալսարանի կանոնադրությամբ և սույն պայմանագրով որոշված Ուսանողի իրավունքներով ու պարտականություններով:

4.2. Ուսանողը պարտավոր է.

4.2.1. Հաճախել ուսումնական պլանով նախատեսված պարապմունքներին և սահմանված ժամկետներում կատարել ուսումնական գործընթացի ժամանակացույցով նախատեսված գործառնությունները.

- 4.2.2. Տիրապետել տվյալ մասնագիտության կրթական չափորոշիչներով սահմանված գիտելիքներին և հմտություններին.
- 4.2.3. Ակադեմիական պարտքեր ունենալու դեպքում հանձնել դրանք ռեկտորատի կողմից սահմանված ժամկետներում և կարգով.
- 4.2.4. Կատարել Համալսարանի կանոնադրությամբ և ներքին կարգապահության կանոններով սահմանված իր պարտականությունները.
- 4.2.5. Խնամքով և հոգատարությամբ վերաբերվել Համալսարանի գույքին.
- 4.2.6. **Ուսանողն ի գիտություն** է ընդունում, որ սույն պայմանագրի 3.2 կետում նախատեսված պայմանների դեպքում կարող է հեռացվել

Համալսարանից:

4.2.7. Սահմանված ժամկետներում վճարել ուսման վարձը: Ուսման վարձը սահմանված ժամկետներում չվճարելու դեպքում Ուսանողը կարող է հեռացվել համալսարանից.

4.2.8. Անվճար ուսուցման կարգավիճակը կորցնելու դեպքում սահմանված ժամկետում և կարգով վճարել **5.1 կետում** նշված ուսման վարձը: Ուսման վարձը ժամանակին չվճարելու դեպքում Ուսանողը կարող է հեռացվել Համալսարանից:

4.2.9. **Ուսանողը կարող է մասնակցել տվյալ կիսամյակի ընթացիկ (միջանկյալ), ամիսփիչ, կիսամյակային կամ տարեկան ընտրություններին, ստուգարքներին, ինչպես նաև ամիսփիչ ատեստավորմանը միայն Հիմնադրամի առջև իր ֆինանսական պարտավորությունները պատշաճ և ժամանակին կատարելուց հետո:**

4.2.10. **Ուսանողը Հիմնադրամից տեղափոխվելու, հեռացվելու կամ ազատվելու դեպքում կարող է ստանալ իր ուսումնառության վերաբերյալ առաջադիմության թերթիկ, ակադեմիական տեղեկանք կամ ուսումնառության ընթացքում կուտակած կրեդիտների վերաբերյալ այլ փաստաթղթեր միայն Հիմնադրամի առջև ֆինանսական պարտավորություններն ամբողջությամբ կատարելուց հետո**

4.2.11. @aspu.am էնթադոմեյնի տակ գործող էլեկտրոնային փոստը օգտագործել միայն ուսումնական նպատակներով՝ չզերազանցելով սահմանված ծավալը:

4.3. **Ուսանողն իրավունք ունի.**

4.3.1. Մասնակցելու իր կրթության բովանդակության ձևավորմանը՝ պահպանելով բարձրագույն մասնագիտական կրթության պետական չափորոշիչների պահանջները.

4.3.2. Բացի ընտրած մասնագիտության ուսումնական դասընթացներից՝ յուրացնելու ուսումնական ցանկացած այլ դասընթաց, որը դասավանդվում է տվյալ կամ ցանկացած այլ բարձրագույն ուսումնական հաստատությունում՝ Համալսարանի համաձայնությամբ և այդ բարձրագույն ուսումնական հաստատության կանոնադրությամբ սահմանված կարգով:

4.3.3. Մասնակցելու Համալսարանի համապատասխան կառավարման մարմինների աշխատանքներին՝ նախատեսված օրենքով կամ Համալսարանի կանոնադրությամբ.

4.3.4. Բողոքարկելու Համալսարանի ղեկավարության հրամաններն ու կարգադրությունները՝ Հայաստանի Հանրապետության օրենսդրությամբ սահմանված կարգով:

4.3.5. Ծանոթանալու բարձրագույն ուսումնական հաստատության կանոնադրությանը և նորմատիվ այլ փաստաթղթերին, կնքելու պայմանագիր Համալսարանի հետ՝ ուսումնառության պայմանների վերաբերյալ.

4.3.6. **Անվճար ուսուցման կարգավիճակ ստանալու դեպքում՝ չվճարելու 5.1 կետում նշված ուսման վարձը:**

5. Ֆինանսական պայմաններ

5.1. Վճարովի հիմունքներով սովորող Ուսանողի ուսման վարձը ուսումնառության ամբողջ տևողության համար կազմում է _____ դրամ

(գումարի չափը թվերով և տառերով)

իսկ յուրաքանչյուր տարվա համար՝ _____ դրամ:

(գումարի չափը թվերով և տառերով)

5.2. Ուսանողի կողմից սույն պայմանագիրը միակողմանի լուծելու կամ ուսանողի հեռացման դեպքերում տվյալ կիսամյակի վճարված ուսման վճարը **չի վերադարձվում**, բացառությամբ այն դեպքերի, երբ ուսանողն առողջական վիճակի պատճառով ուսումը չի կարող շարունակել, որը հաստատված է բժշկական անհրաժեշտ փաստաթղթերով: Այդ դեպքում վերադարձման ենթակա գումարը պետք է համապատասխանի ուսուցում չանցած ժամանակին, որը սկսվում է հրամանով ազատվելուց հետո, հաջորդ ամսվա 1-ից: **Հեռացումից (ազատումից)** հետո վերականգնված Ուսանողի ուսման վարձը հաշվարկվում է տվյալ տարվա համար սահմանված ուսման վարձի չափով, և նրա հետ կնքվում է նոր պայմանագիր:

5.3. Ցուրաքանչյուր ուսումնական տարի ուսման վարձը Ուսանողը կարող է վճարել ըստ կիսամյակների կամ ուսումնական տարվա ամիսների՝ ուսման վարձը հավասարաչափ բաժանելով տվյալ ուսումնական տարվա ամիսների թվին (8 ամիս): Ուսումնական տարին սահմանվում է **առաջին կիսամյակի համար**՝ սեպտեմբեր-դեկտեմբեր ամիսներ, **երկրորդ կիսամյակի համար**՝ փետրվար-մայիս ամիսներ: Մեկ ամսվա ուսման վարձը կազմում է _____ դրամ: 22 պետական բյուջեից ֆինանսավորվող սոցիալական փաթեթից օգտվող ուսանողների համար վճարման կարգը սահմանվում է օրենսդրական և այլ իրավական ակտերով: Ընթացիկ ամսվա ուսման վարձը ենթակա է վճարման մինչև տվյալ ամսվա վերջին աշխատանքային օրը: Առաջին կուրսում հրամանագրման ներկայացվածները (կցագրվածները) ուսումնական տարվա առնվազն առաջին ամսվա ուսման վարձը պետք է վճարեն մինչև **տվյալ տարվա** սեպտեմբերի 15-ը:

5.4. Ժամկետային զինվորական ծառայության գորակոչվելու կամ առողջական վիճակի պատճառով ձևակերպված ակադեմիական արձակուրդից հետո վերականգնվող Ուսանողի հետ նոր պայմանագիր չի կնքվում՝ պահպանելով նախկին կարգավիճակը:

5.5. Ուսման վարձը Ուսանողը կարող է վճարել ըստ կիսամյակների կամ ամիսների: Ուսման վարձը վճարվում է բանկային փոխանցման եղանակով՝ Համալսարանի հաշվարկային հաշվին: Ուսանողի ուսման վարձը կարող է փոխանցվել (վճարվել) համալսարան իրավաբանական կամ ֆիզիկական անձի կողմից՝ Ուսանողի և տվյալ անձի միջև կնքված պայմանագրի (գրավոր պայմանավորվածության) համաձայն, որի պատճենը կցվում է սույն պայմանագրին:

6. Պայմանագրի ժամկետները

6.1. Սույն պայմանագիրն ուժի մեջ է ստորագրման պահից և գործում է մինչև Ուսանողի ուսումնառության ավարտը, բացառությամբ սույն պայմանագրի **6.2 կետում** նշված դեպքերի:

6.2. Ուսանողի հեռացման վերաբերյալ Համալսարանի հրամանը հիմք է սույն պայմանագրի վաղաժամկետ լուծման համար: Ուսանողը պայմանագիրը վաղաժամկետ կարող է լուծել, եթե նա ընդհատում է ուսումնառությունը և այդ մասին դիմում է ներկայացնում տվյալ կիսամյակի քննաշրջանի սկզբից մեկ ամիս առաջ սահմանված ընթացակարգով՝ վճարելով սովորած ժամանակահատվածի համար նախատեսված ուսման վարձը:

7. Եզրափակիչ դրույթներ

7.1. Կողմերն իրենց պարտականությունները մասնակիորեն կամ լրիվ չկատարելու դեպքում ազատվում են սույն պայմանագրով սահմանված պատասխանատվությունից, եթե դա տեղի է ունեցել սույն պայմանագիրը կնքելուց հետո ծագած այնպիսի անհաղթահարելի ուժի հետևանքով, որը կողմերը չէին կարող կանխագուշակել և կանխել:

7.2. Սույն պայմանագրով չկարգավորված հարցերը լուծվում են ՀՀ գործող օրենսդրության համապատասխան:

7.3. Կողմերը պարտավորվում են վիճահարույց հարցերը լուծել փոխադարձ համաձայնությամբ՝ հակառակ դեպքում՝ ՀՀ օրենսդրությամբ սահմանված կարգով:

7.4. Սույն պայմանագիրը կազմված է 2 (երկու) հավասարազոր օրինակից, որոնց մեկական օրինակները հանձնվում են սույն պայմանագրի կողմերին:

8. Կողմերի գտնվելու վայրը, ստորագրությունները և այլ տվյալներ

Համալսարան

Ռեկտոր՝

ՍՐԲՈՒՆԻ ԳԵՎՈՐԳՅԱՆ

(ստորագրություն, կնիք)

« _____ » _____ 202 թ.

Հասցեն՝ ք. Երևան, Տիգրան Մեծի 17

«Արարատ» բանկ

h/h 1510002308480100

ՀՎՀՀ 02527624

Ուսանող

(անուն, հայրանուն, ազգանուն)

Անձնագիր սերիա _____ N _____

Տրված է « ____ » _____

Գրանցված է _____

(ստորագրություն)

(հասցե, հեռախոս)

« _____ » _____ 202 թ.

Համաձայն եմ՝ _____

(Եթե պայմանագիր կնքելու պահին չի լրացել ուսանողի 18 տարին նաև նրա ծնողի կամ խնամակալի կամ հոգաբարձուի համաձայնությունը)

Լրացումներ՝ կապված Ուսանողի կարգավիճակի փոփոխության հետ

1. _____

2. _____

3. _____